

中興禮書

中興禮書第二百四十一卷

凶禮六

永祐陵

迎奉梓宮

紹興九年正月十四日禮部太常寺言迎護梓宮奉還兩宮交割地界使同簽書樞密院事王倫等申准勅差充迎護梓宮奉還兩宮交割地界使副所有合用迎請禮儀訖下所屬講議降下遵守施行劄付禮部太常寺講究申樞密院今講究下項一使副初至金國安奉梓宮處使副率三節人從排辦香茶酒果食味等詣梓宮前先兩拜上香一酹茶三奠酒訖舉哭再拜自後迎奉還行在沿路每日赴梓宮前朝晡臨並如上儀一

檢會先降指揮奉迎梓宮使副初詣梓宮及沿路朝晡
臨並服初喪服見全國主權用吉服若見館伴等官仍
黑帶到驛舍及在沿路衣白絹袍或布袍回至本界亦
服初喪服以次有官人依此 一檢會禮經見柩服總
今講究見柩服總係已曾親經扶護葬畢已久後來改
葬難以吉服見柩故合遵用禮經竊緣今來徽宗皇帝
顯肅皇后梓宮不曾親經扶護即與先曾扶護後來改
葬不同所有使副等見梓宮并沿路及回至本界所服
並依先降指揮施行詔依四月十四日太常寺討論
候過本界並改服
二十三日禮部太常寺言已降指揮迎奉梓宮到日其
百僚合服初喪服契勘昨百僚所服喪服于正月二十

五日大祥日並行除去若將來迎奉到梓宮欲依永安陵改葬故事百僚見梓宮並服總麻服係細布幘頭襪衫腰圍

以布帶為之

詔依

四月十三日詔將來梓宮至東京權於龍德宮安奉十四日禮部太常寺言王倫等奏據禮直官狀契勘三月十五日交割地界了畢所有迎護梓宮回合預行申請下太常寺討論於行奉聖旨令禮部太常寺下議定申尚書省今討論下項 一勘會將來兩宮見徽宗皇帝顯肅皇后梓宮緣今來已過祥除其兩宮即合依禮服總麻之服 一將來梓宮至河南州縣東京合行禁樂俟遇仍舊合差僧道各五十人於界首奉迎 一样宮過界經由州縣除公文軍民不合製服外其見任官各

預置總麻服於城外奉迎奉辭內迎合排祭一座 一
州縣奉迎奉辭儀其日長吏率在城官於城外排祭處
俟梓宮將至並立班再拜訖班首詣香案前揖笏上香
再上香三上香跪一酹茶三奠酒訖執笏俛伏興復位
並舉哭再拜訖直身立俟梓宮過班退奉辭儀此惟不
排祭不奠茶酒
一梓宮還所立銘旌高九尺書徽宗聖文仁德顯孝
皇帝之柩顯肅皇后之柩乞令東京留守司指揮所屬
製造詔依

五月七日王倫等奏臣等被命前去迎護梓宮累具奏
稟面奉玉音令將來於福寧殿奉安徽宗皇帝梓宮於
皇儀殿奉安顯肅皇后梓宮臣等竊嘗過為之慮若龍
輜迎護遠至未即因山之禮徑還大內深恐于禮未應

欲望下太常禮官詳加參訂竊見龍德宮係徽宗皇帝
潛藩及禪位所居之處目今尚存殿宇圓備若於龍德
宮申福殿奉安徽宗皇帝梓宮於臻祥殿奉安顯肅皇
后梓宮未審於禮經事體如何勘會已降指揮將來梓
宮至東京權於龍德宮安奉詔劉興王倫等照會

十八日禮太常寺言王倫等奏契勘河南州縣昨徽宗
皇帝顯肅皇后訃音到日未曾舉掛今來已是祥除欲
望候梓宮到日所過州縣許令舉哀及其餘州軍修設
道場致祭今禮部太常寺討論欲候將來報到諱日於
前期令河南州縣各建置道場三晝夜是日設位致祭
行香如諱日未到即依已降指揮權於來年正月二十
五日依上件所定道場日數建置道場設位致祭詔將

來梓宮過界令河南州縣目承闕報日建置道場三晝夜餘路州縣依此

七月二十三日禮部太常寺言勘會已差官迎護徽宗皇帝顯肅皇后梓宮至東京權於龍德宮安奉今參酌條具到合行事件 一自界首奉迎梓宮至東京權於龍德宮安奉合差禮儀使一員欲乞降勅就差東京留守充 一自界首奉迎梓宮至龍德宮安奉并殿撰合差主管一行事務官一員乞差京畿運使充詔依

十月十八日禮部言東京留守司申據禮直官講究到梓宮合排辦鼓吹乞下太常討論後批送禮部尋下太常寺檢會自來山園陵故事發引日合用鼓吹今來梓宮過界係於龍德宮權安奉以俟修奉陵寢未是發引

今討論合候發引日排設鼓吹詔依

十二年四月一日詔徽宗皇帝顯肅皇后梓宮將來迎
護梓宮將來過界迎護禮儀使差判紹興府孟忠厚提
舉應奉排辦一應事務差兩浙轉運副使黃敦書

六日中書門下省言勘會已降指揮徽宗皇帝顯肅皇
后梓宮將來過界迎護都大主管官未曾差人詔差知
大宗正事士會

十日權禮部侍郎施珂等言今來差官迎護徽宗皇帝
顯肅皇后梓宮依紹興九年已降指揮迎護梓宮使副
俟迎見梓宮隨宜排辦供養食茶酒果使副率三節人
從詣梓宮前上香奠茶酒再拜舉哭緣今來係于界首
迎護即與在北界迎護事體不同今看詳切慮合用御

書香祝內祝祠乞迷以皇帝遣官奉迎之意仍令所差迎護官前一日宿齋次日行禮如允所乞從太常重別條具詔依

同日權禮部侍郎施珙等言已得旨迎奉兩宮及迎護徽宗皇帝顯肅皇后梓宮過界係各差官提舉一應事務若同日入界行列次序州縣迎接吉凶禮制不同難以同時進發謹按故例梓宮發引頓首遞日行里數不遠兼初見梓宮依禮合俟迎護官宿齋祭告畢擇不礙國音日辰方可進發其勢必須少留今欲乞兩宮入界先次進發以便迎奉兼五禮之序吉禮為先詔依卅三日禮部太常寺言已降指揮差官迎護梓宮到行在依紹興九年已降指揮百僚見梓宮合服總麻服係

細布幘頭襖衫腰圍

以細布為之

未有製造去處令乞依故

事令臨安府專委通判一員製造給散宰執侍從臺諫餘官依故例各給細布一疋詔依

同日禮部太常寺言已降指揮徽宗皇帝顯肅皇后梓宮將來迎護到行在令禮部太常寺言討論安奉禮制聞奏謹按禮經事死如事生又曰祭之日思其居處伏見宣和七年徽宗皇帝已降詔旨退居龍德舊宮今來梓宮到行在日慮合權設龍德宮以備安奉庶使在天之靈有所憑依亦仰稱聖主思慕居處如生之意如蒙聖慈允從乞下有司於皇城相近去處踏逐屋宇權充龍德宮非惟有合禮經亦於行禮為便詔依令臨安府疾速措置

二十三日禮部太常寺言知臨安府俞侯劄子令踏逐屋宇權充龍德_宮未審合用屋宇若干間數如何製度乞下有司討論遵守奉聖旨令禮部太常寺同共討論擬定聞奏今討論合依倣承元殿順承殿分前後殿奉安梓宮所有屋宇修蓋間數裝修即合隨宜詔依

同日臨安府奉安梓宮屋宇今踏逐到皇城南門外東百官舊待漏院瓦屋十三間地步外及乞於殿前司中軍寨地內展拓南北長一十四丈欲乞朝廷劄下以憑遵依興工詔依

二十四日判紹興府兩浙東路安撫使迎護梓宮禮儀使信安郡王孟忠厚言迎護梓宮合行禮儀事務已降指揮許差禮官一員同去欲望朝廷早賜差定所有合

破請給人從等並乞依本司幹辦公事已得指揮詔差太常丞吳棫

同日禮部太常寺言奉迎兩宮扈從禮儀使司狀勘會今來禮儀使以下官屬若至界首其至時繼宗皇帝顯肅皇后梓宮先過界前來合如何禮數乞下禮部太常寺討論奉聖旨依今討論禮儀使以下官屬服總麻服詣梓宮前監班定先兩拜訖禮儀使詣梓宮香案前三上香跪一盃茶三奠酒俛伏興復位並舉哭再拜訖退其合服總麻服令鎮江府製造椿管詔依

同日禮部太常寺言檢會國朝山園陵故事初崩并發引前二日各差官奏告所有今來迎護梓宮過界經由州軍依紹興九年已降指揮差官致祭十里內神祠其

迎護梓宮到行在權安奉之後欲依禮例差官奏告天

地宗廟社稷諸陵宮觀詔依宋會要十二年五月六日

魏藏宗皇帝顯后梓宮詔孟忠厚士會黃敦吉迎

長淮使陳宏言未迎梓宮若取水路合行淮南東路梓

陸山至龜山登舟入平河又慮風濤不測之險不若自所

五月八日禮部太常寺言孟忠厚狀徽宗皇帝顯肅后

皇梓宮將來過界迎護入界日官吏等合服衣服并過

界權奉安起發程頓應干禮儀節次等並乞下禮部太

常寺討論降下奉聖旨依今討論下項一將來候見

梓宮入界日官吏等依已降指揮並總麻服係細布幘

頭襴衫腰圍以細布帶為之乞從禮儀使司具合用數行下提

舉排辦一行事務官指揮沿路可以製造州軍製造附

帶前去 一結造大昇舉制度并捧擎力士合依紹興
九年已降指揮用彩結殿安座不須造大昇舉其捧擎
力士既是由水路止是上下般要用乞令事務官量度
人數差雇 一迎護軍兵并儀衛等從禮儀使指定人
數申朝廷差撥其合著衣服並合服青皂褐衫 一祭
告并沿路合用御封降真香三十二合二合祭告行祀
路早晚奠
特供燒及合用祝文二首並述以皇帝遣
使奉迎之意降付太常
寺差人管押前去并祭告排辦牙盤食燎草等亦乞令
提舉應奉排辦一行事務官依例排辦施行 一合用
梓宮衣罩令提舉應奉排辦一行事務官製造兼今來
又迎大行皇后梓宮合用梓宮衣罩亦乞令事務官一
就製造 一今來沿路合用僧道威儀各差一百人乞

令提舉一行事務所預先關報經由州縣差撥一將
來迎護梓宮過界沿路每日早晚合用香茶牙盤食酒
果等的獻器皿等竊慮經由州縣難以應辦乞令提舉
應奉排辦一行事務官將帶前去差官逐日排辦其合
用牙盤亦乞委官應副詔依

十日禮部太常寺言今來迎護梓宮到行在檢照紹興
九年指揮梓宮經由州縣禁止音樂俟過仍舊及令河
南州縣自承關報到日建置道場三晝夜餘路州縣依
此令乞候依此俟迎護梓宮過界至經由州縣各隨宜
建置道場三晝夜仍禁止音樂餘路州縣俟梓宮過界
令提舉一行事務所今來迎護梓宮到行在合關報候
到依此建置道場詔依

二十日禮部太常寺言今來迎護梓宮到行在今具合
行事件 一昨降指揮迎護梓宮過河至龍德宮合用
綵結香花樓子四座花瓶麻爐匙令令東京留守司統
縛製造今欲乞令提舉一行事務所指揮經由州縣各
預行綵結香花樓子六座花瓶麻爐匙合亦慮淮南州
縣難以排辦亦乞令提舉一行事務所計置將帶前去
一昨令東京留守司製造徽宗皇帝顯肅皇后銘旌
并今來迎護大行宮亦合造銘旌今欲乞候迎護過界
並乞令提舉一行事務官務製造仍令尅擇官時安立
一迎護梓宮過界經過州縣橋梁并十里內神祠令
所屬州縣差官備禮致祭 一迎護梓宮沿路合差僧
道各一百人欲乞令提舉一行事務所預先指揮經由

州縣各行差檢 一今來所差迎護梓宮禮儀使并一行官屬俟迎見梓宮並合服總麻服每日詣梓宮前朝謁臨 一今來迎護梓宮到行在并將來發引應經由州縣依紹興九年指揮除公吏軍民不合製服外其見任官各預置總麻服於城外奉迎奉辭排祭 一座內州縣城郭寄居官舍起赴亦合各置總麻服乞移牒轉運司行下經由州縣遵執施行詔依

二十三日禮部太常寺言迎護梓宮都大主管所狀將來迎護梓宮已降指揮經由水路今來祇備舟船安奉所有梓宮前合搭掛供設衣服乞指揮討論物件令一行事務所疾速隨宜製辦收掌前去至安奉梓宮前供設後批送禮部同太常寺討論申尚書省勘會依故事

合排辦搭掛供設衣物今討論將來迎護徽宗皇帝顯
肅皇后大行皇后梓宮欲依所乞令提舉應奉排辦一
行事務所各製造衣服一套各一十件內徽宗皇帝衣
服係黃羅夾袍各一緇紅羅皂綠夾道服一黃羅背子
一白綾夾襦袴各一緇紅羅夾裏肚一白綾汗衫一白
綾夾背心一紅羅勒帛一顯肅皇后大行皇后各係紅
羅夾大袖一紅羅夾裙一紅羅夾帔一黃羅夾襖子一
粉紅綾衫子一粉紅綾夾襦袴各一緇紅羅夾裏肚一
粉紅綾夾背心一紅羅夾背子一詔依

六月二日禮部太常寺言參酌合行事件下項 一將
來迎護梓宮到行在日欲乞是日皇帝率文武百僚出
城迎奉徽宗皇帝顯肅皇后梓宮 一紹興九年已降

指揮將來梓宮緣係在理重虞祔祥除之後其百僚奉迎所服依永安陵改葬故事百僚見梓宮並服緦麻服將來迎奉徽宗皇帝顯肅皇后梓宮到行在百僚所服欲乞依上件指揮施行所有皇帝迎見梓宮欲依禮例服緦麻服 一城外合設御幄并百僚幕次若梓宮例俯近臨安府出陸合於奉迎處設權安奉梓宮幄殿並乞下儀鸞司同臨安府排辦詔依

七日詔淮南東路官吏軍民等昔者明王務隆孝治必得四海之歡心以事其先王朕甚慕之比命禮儀使迎護徽宗皇帝顯肅皇后梓宮大行皇后翼御一時儀物之奉供億之須取具有司靡勞民力蓋欲自治以篤寧神尚慮州縣奉行違戾煩擾百姓失其歡心豈服事先

之意哉吏儻若茲罰其可逭今來應沿路州縣合供辦之類並令戶部科撥的確係官錢物應副不得少有科數如違許越訢監司失於按劾一等科罪

十九日禮部言鎮江都統解元申契勸諸軍見在鎮江府駐劄并淮東屯戍所有將來奉迎兩宮禮儀并見梓宮禮服尋會問得鎮江府其元降指揮內即不該載乞行下遵守後批送禮部看詳申尚書省尋下太常寺看詳將來迎護梓宮過界至鎮江府欲令御前諸軍都統制解元率所管副將以上於城外服總麻服迎奉其所服令鎮江府一就製造給散所有迎奉禮儀乞依沿路經過州縣排祭迎奉已定儀注內副將以下並令免赴其將來梓宮經過淮東州軍見屯戍諸軍亦乞依此詔

二十七日禮部太常寺言准都省批送下接伴金國人使所申契勘將來起發到界首迎見梓宮所有一行官屬合服是何服色後批送禮部同太常寺看詳申尚書省今看詳接伴使副若將來迎見梓宮其副使并一行官屬內有官人並合服總麻服俟隨宜排辦香茶酒果等訖使副率一行官屬詣梓宮前先兩拜訖班首三上香一酌茶三奠酒訖舉哭再拜訖退所有總麻服係細布幘頭襖衫腰圍帶以細布為之今欲乞令本所一面具的確合服員數聞報臨安府製造將來帶前去詔依

八月二日禮部言臨安府申百僚見梓宮合服總麻服製造分散侍從臺諫已上餘官給布一尺未審所給布合係是何職以上後批送禮部看詳尋行下太常寺看

詳欲乞應行在文臣職事官并宗室南班及文武陞朝
官以上並許赴赴內文臣職事官係承務郎已上詔依
十四日禮部言准都省批送下御史臺閤門申將來奉
迎梓宮依故例文武百官合排辦路祭今具申請下項
一所排路祭乞就將來百官奉迎梓宮立班處側近排
設路祭一座御史臺閤門各委本司屬官一員俟梓宮
將至於祭前奉迎燒香 一合用真衣緣贈冥器花果
齋供道場等所費乞於文臣應選人以上武臣應承信
郎以上並於所請請給內每貫錢三十文省 一所納
路祭錢文臣赴御史臺武臣赴閤門送內並出給朱鈔
令所屬照驗已納朱鈔方得放行請給其錢置歷收支
如有支使不盡錢乞送左藏庫交納詔依

十七日御史臺言已降指揮迎護梓宮到行在是日皇帝率文武百官詣城外迎奉用三衛諸司應奉官文臣侍從起居舍人已上扈從車駕至臨平鎮迎奉餘合赴官並於東倉迎奉本臺合行申請一欲乞至日文臣百官俟梓宮將至迎奉立班訖次迎駕起居若值雨霑濕止就幕次內隨宜立班一臨平鎮并東倉合用待班幕次欲乞就用逐處已修蓋席帳充令臨安府同儀鸞司釘設排辦詔依

十八日權禮部侍郎施炯等言今來迎護徽宗皇帝顯肅皇后懿皇后梓宮到行在於龍德宮安奉今參酌欲乞於次日皇帝率奉迎官詣梓宮前上香奠爵如乂所乞令太常寺條具申請施行詔依

同日禮部太常寺言今來迎護梓宮到行在車駕至臨
平鎮迎奉今參酌合行事件下項 一迎奉日欲乞是
日皇帝自內服忌日之服其文武官並常服黑帶玉去金飾
隨駕禁衛等並權服青紫褐衫帶子俟車駕還內訖並
仍舊 一欲乞是日皇帝不視事百司作休務假 一
合用御封降真香二合祝文三首並述以皇帝百官此
咸迎奉行祭奠之意
一合用供養牙盤食茶酒果香案香爐匙合炭火器
皿等並就令迎護梓宮都大主管所指揮所屬排辦
一梓宮三般安奉合差讀祝文官三員乞降勅差禮部
郎官并太常博士主簿充 一乞至日早三刻開餘杭
門詔依

二十日禮部太常寺言今參酌比附到迎奉合行事件

一其日俟皇帝迎奉梓宮行禮畢宰執率應立班官詣御帳前再拜奉慰 一迎梓宮竊慮至日不測雨降今欲乞令儀鸞司同臨安府自河次御帳前至梓宮駐船處修蓋席屋并紱縛岸次馬頭詔依

二十五日迎護梓宮禮儀使司言今來迎護徽宗皇帝顯肅皇后懿節皇后梓宮計程頓於八月二十九日到臨平鎮詔令孟忠厚於八月二十九日卯時迎護梓宮至臨平鎮

同日尚書省言車駕于今月二十八日詣臨平鎮迎奉梓宮

同日禮部太常寺言迎護梓宮禮儀使司申三殿梓宮下至管事李燂等狀將來梓宮到行在應隨行官吏等

乞迎車駕起居後批送禮部同合屬去處看詳申尚書
省今看詳迎護梓宮禮儀使一行官屬並合服黑帶金鉉
鉉至日朝見起居乞從閤門就皇帝御帷前引見起居
如閤門儀其三殿梓宮下主管事李燬等內有官人亦
合服常服黑帶隨班引見起居內無官人等合服青紫
衫於河次迎駕起居所有禮儀使一行官屬俟起居畢
易緦麻服先次迎護梓宮至龍德宮權安奉行燒香之
禮詔依

同日禮部太常寺言已降指揮皇帝詣臨平鎮迎奉乞
令迎護梓宮都大主管所指揮梓宮舟船撐駕棹梢俟
將至迎奉處相續進行以俟皇帝迎奉行禮詔依
同日詔將來詣臨平鎮迎奉梓宮回特作歇泊假二日

同日榮州防禦使帶御器械邢孝揚狀竊覩徽宗皇帝
顯肅皇后懿節皇后梓宮將到孝揚係懿節皇后親弟
即與尋常事不同欲望指揮許孝揚同百官前立班
奉迎詔依

二十六日尚書省言車駕二十八日自鹽橋登舟

同日閤門言將來車駕指臨平鎮迎奉梓宮今比附參
酌合行事件下項一車駕進發日宰臣以下合扈從
官并祇應官依已降指揮並易黑帶玉去履笏赴後殿
起居訖從駕一沿路如有宰臣執政官奉事及上殿
臣僚閤門官奏事仍令入內官引一沿路如值雨雪
濕臣僚等並免起居一沿路得旨上殿臣僚令戎服
上殿

合供本經上殿人權客寮
狀者亦聽免

一進發沿路迎駕起居

等班次每日輪差人三員贊唱祇應 一比州縣鎮官
免赴迎駕起居仍不得輒離本界詔依

二十七日太常寺言御輦院狀已降指揮車駕至臨平
鎮迎奉梓宮所有御座二乘身並竿子並係朱紅漆金
鍍銀裝釘葉段等紅羅衣褥條索並係梅紅即未審合
與不合別行討論顏色包裹欲乞指揮太常寺討論本
寺討論迎奉日合供進常日御座衣褥等即不合包裹
詔依

中興禮書第二百四十二卷

凶禮七

永祐陵

皇帝迎奉梓宮儀

其日自內皇帝服忌日之服乘輦出內詣臨平鎮迎奉處御幄俟梓宮舟將至御史臺太常閤門分引應合至臨平鎮立班官隨地之宜立班定俟皇帝自御幄服忌日之服乘輦至河次御幄降輦歸幄前導太常卿太常博士禮直官立於幄之前俟皇帝易總麻之服訖以俟徽宗皇帝梓宮舟至閤門報班齊禮直官太常博士引太常卿當幄前俛伏跪奏稱太常卿臣某言請皇帝迎奉徽宗皇帝顯肅皇后懿節皇后梓宮祭奠之禮奏訖

伏興退復位簾捲禮直官太常博士太常卿前導皇帝
登舟詣徽宗皇帝梓宮香案前立奏請拜皇帝再拜在
位官皆再拜訖又奏請上香再上香三上香內侍進茶
酒又奏請跪一奠茶奠酒再奠酒三奠酒俛伏興奏請
少立讀祝文官跪讀祝文訖興退歸本班又奏請皇帝
舉哭在位官皆舉哭俟哭止又奏請拜皇帝再拜在位
官皆再拜訖禮直官太常博士太常卿導皇帝歸御幄
簾降俟徽宗皇帝梓宮舟過顯肅皇后梓宮舟至簾捲
前導官前導皇帝出幄登舟詣顯肅皇后梓宮前行禮
讀祝並如上儀訖歸御幄簾降俟顯肅皇后梓宮舟過
懿節皇后梓宮舟至簾捲前導官前導皇帝出幄在位
官拜前導皇帝登舟詣懿節皇后梓宮香案前奏請上

香再上香三上香內侍進茶酒又奏請一奠茶三奠酒
讀祝文官跪讀祝文訖興退歸本班立又奏請舉哭皇
帝舉哭在位官皆舉哭俟哭止又奏請致欽不拜在位
官皆再拜訖前導官前導皇帝歸御幄簾降禮直官太
常博士引太常卿當御幄前俛伏跪奏稱太常卿臣某
言禮畢訖伏興復位退歸本班若值兩降立班立止班
上升儀次應立班官移班就御幄前再拜奉慰訖退就次
易常服黑帶皇帝就幄易忌日之服訖乘輦還內如來
儀次引讀祝文官監視焚燎祝版訖退

造梓宮

紹興九年七月二十六日禮部太常寺言迎護梓宮奉
兩宮交割地界使王倫等奏今來迎護梓宮所有樣制

未蒙降到乞降睿旨付禮部太常寺討論降下以憑遵
依製造奉聖旨依令討論申尚書省尋勒甲頭省記到
昨昭慈聖獻皇后梓宮高濶長短梓制到梓宮一大頭
蓋濶三尺二寸厚四寸五分兩廂壁高三尺底厚四寸
五分牙脚高一尺四寸通高五尺三寸上口濶三尺一
寸下口濶三尺四寸底濶三尺五寸牙脚下濶三尺九
寸上口裏明濶二尺四寸下口裏明濶二尺七寸裏明
長八尺五寸前後當共厚八寸前後坐席五寸通長九
尺八寸一小頭濶二尺八寸蓋厚四寸五分兩廂壁高
二尺七寸底四寸五分牙脚高一尺二寸通高四尺八
八寸上口濶二尺七寸下口濶三尺底濶三尺一寸牙
脚下濶三尺四寸上口裏明闊二尺下口裏明濶二尺

三寸兩壁底上釘環還四箇樣係瓮肚造作兩廂壁中心瓮肚處前後各厚四寸五分兩廂壁上下口各厚三寸五分禮部太常寺今討論欲依前項制度仍乞候迎護樣宮到日相度濶狹長短隨宜製造施行詔依

二十九日禮工部言奉迎兩宮扈從禮儀使司申具到迎護梓宮物色乞支降錢物應付使用後批送禮工部同太常寺看詳申尚書省今具下項 一合用兩具并梓宮彩殿油幕罩子等今看詳欲乞止用單油絹依梓宮衣製造稍加寬大遇雨遮護所有其餘兩具力士油衫油帽即不合製造 一製造梓宮衣二件用紅羅三匹藍羅三匹紅絹一匹諸般顏色壓羅一十四匹銀鐸兒三百箇銀鈴兒六百箇計銀一百五兩并生色等今

看詳合行製造欲乞令提舉排辦一行事務官約度製
造施行詔依

十二年五月九日迎護梓宮禮儀使信安郡王孟忠厚
言檢會紹興九年指揮候奉迎梓宮至龍德宮安奉畢
相度隨宜製造二柳座合用沙板如到界首便合製造
所有合用柳板物料工匠等今迎護禮儀使一面計置
可以造作去處製造詔依宋會要十二年四月十五日
軍府事兩浙東路安撫使信安郡王孟忠厚
年十一月二十七日到界首便合製造
畢相度隨宜製造柳座如到界首便合製造
板物料工匠等處將帶前去時指定製造去處取
行使一官預置酌度事宜臨指定制製造去處取
儀

紹興十二年七月五日禮部太常寺言權禮部侍郎施

珂等劄子國朝改卜安陵故事歛衣歛物並皆改造今
來徽宗皇帝顯肅皇后懿節皇后梓宮來歸其歛衣歛
物於禮例合行製造奉聖旨令禮部太常寺討論制度
申尚書省令討論下項 一檢會改卜安陵降詔令內
侍與少府監修製宣祖皇帝哀冕昭憲皇后花釵罩衣
所有今來徽宗皇帝梓宮歛衣欲比附前項故事修製
冕冕其顯肅皇后懿節皇后梓宮歛衣修製花釵罩衣
並乞令文思院依五禮新儀所載名件制度造作內合
用珠玉等乞依見今承元順承殿神御所服禮例 一
今來遜位梓宮合用歛物乞令太史局依自來山園陵
大歛禮例關報文思院修製合入梓宮神殺歛物 一
今來所造前項歛衣歛物候文思院修製了畢令本院

申吏部差使臣一員管押前去迎護梓宮禮儀使司交割詔依

同日權禮部侍郎施珂等言禮部太常寺討論徽宗皇帝顯肅皇后懿節皇后梓宮歛衣歛物除已具制度申乞製造外今切詳梓宮各經歲月難以改歛兼慮有瀆神靈其製造到衣服等合於梓宮之外槨之內鋪設安奉詔依

殿櫬

紹興十八年八月一日禮部太常寺言將來迎護梓宮至龍德宮殿櫬并將來發引赴櫬宮主管一行事務故例合差都大主管官一員伏乞降勅差入內內侍省官充詔依

二日禮部太常寺言今參酌到殿橫合行事件 一奉迎梓宮至龍德宮合行殿橫以俟修奉橫宮合用柏壑籠帳物色等乞令都大主管官指揮所屬計置排辦一迎護梓宮至龍德宮合差官照管乞入內內侍省差內侍官四員分番宿直掌管香火等所有合差把門巡宿親事官等今所差官條具申請詔依

十七日臨安府言本府應副梓宮至龍德宮合用柏壑四千七百餘口本府難以逐急製造欲乞以沙羅木相兼充代乞劄下所屬契勘可與不可使用太常寺狀將來殿橫所用柏壑籠帳緣柏木數少已降指揮將來橫宮就用其沙木監久止乞柏木沙木相兼使用詔依三十三日禮部太常寺言殿橫發引都大主管所狀契

勘將來徽宗皇帝顯肅皇后懿節皇后梓宮至龍德宮
即不見得更互僧道係自幾日合入及各用若干人數
并作水陸黃籙大會日分伏乞朝廷指揮降下後批送
禮部同太常寺看詳申尚書省今看詳欲俟梓宮至龍
德宮日前殿依昨降指揮各差僧道三十五人後殿差
僧道三十人各作道場一日殿橫日各殿作水陸啟橫
日各作黃籙發引前一日共作大會其僧道更互本所
合依昨來已行事理施行詔依九月一日詔作道場等
日依到日例
更作道場

二十五日禮部太常寺言已降指揮梓宮到龍德宮安
奉次日皇帝率迎奉官詣梓宮前上香奠醑今參酌條
具申請下項 一欲乞是日皇帝自內服忌日之服詣

龍德宮易總麻服行上香奠醑之禮其隨駕禁衛等並
權服青紫褐衫帶子俟車駕還內訖並仍舊 一是日
皇帝不視事百司作休務假次日作歇泊休務假一日
一合用御封降真香三合 一合用供養牙盤食茶
酒果三位乞令御厨翰林司依例排辦 一合用香案
香爐匙合炭火奠茶酒盆臺器皿等欲乞從都大主管
所行下逐殿主管香火官排辦 一其日陪位文武官
並就次易總麻服立班陪位訖服吉帶俟車駕還內畢
次詣常御殿門外進名奉慰訖退 一其日不係從駕
官先赴龍德宮門外幕次以俟迎駕起居如閤門儀詔
依九月九日殿樓行礼
畫一排辦等並仿此

二十七日權禮部侍郎施炯等言已降指揮梓宮到龍

德宮次日皇帝行奠醑禮畢百僚奉慰又緣今來梓宮係二十九日卯時到臨平當日可以到龍德宮九月一日行奠醑禮所有九月旦日奉慰并奠醑畢奉慰今欲乞至日俟奠醑畢令百僚服常服詣常御殿門外一就奉慰詔依

九月一日禮部太常寺言參今酌比附到殿橫時奏告合行事件 一合用御書封降真香三合祝文三首

以殿機時前奏出之意 一合差讀祝文官三員欲輪差本寺官充

一奏告行禮官并讀祝文官並前一日致齋於龍德前一日宮 一殿橫方位欲乞令都大王管所差太史

局剋擇官選定

宋會要十二年八月二十九日戊戌時宜局選到殿橫日宜用九月二十六日乙卯時宜用地時前祭發

引日宜月九月二十日乙卯時宜用乙卯時吉掩宮時
日用十月七日丙寅日與梓宮乙卯時宜用乙卯時吉掩宮時
宜用丁酉日吉銘依同日銘二十八申本所取旨施行詔
日二十九日早晚御膳並進素

依
同日詔皇太后欲詣龍德宮梓宮前燒香令禮部太常
寺討論合服是何衣服申尚書省勘會近奉迎兩宮扈
衛都大主管所降指揮令鎮江府製造皇太后見梓宮
所服總麻服淺淡之服至龍德宮幄次易總麻服所有
至懿節皇后梓宮前燒香一殿安奉難以更行易服於
禮自合以重包輕就服總麻服詔依

二日詔今月三日皇太后詣龍德宮燒香可遍行下合
屬官司疾速排辦

六日權禮部侍郎施炯等言今來迎護徽宗皇帝顯廟

皇后懿節皇后梓宮到龍德宮其殿橫至引發依體例並係車駕行禮事體至重乞差太傅一員後從車駕行禮取旨降勅差宰臣充詔依

七日權禮部侍郎施炯等言已降指揮殿橫日不視事羣臣奉慰今乞是日文武百僚候殿橫行禮畢就次易吉服先詣常御殿門外立班進名奉慰訖次進名慰皇太后詔依

同日禮部太常寺言殿橫時前奏告行禮官欲乞降勅就差永固陵橫宮總護使行禮詔依

同日又言今來迎護梓宮到龍德宮擇日殿橫依故事俟殿橫畢是日車駕詣梓宮前行上香祭奠之禮緣所選時刻係用九月九日癸時奉遷梓宮至殿橫方位用

柏塹籠帳所有至日車駕詣龍德宮行禮欲俟殿橫畢
今禮直官具申御藥院奏請車駕詣宮行禮詔依

皇帝率迎奉官詣梓宮前上香奠醑儀

其日自內皇帝服忌日之服乘輦出內詣龍德宮殿門
外降輦歸御幄簾降次文武官並就次易總麻服訖御
史臺太常寺閤門分引陪位文武官隨地之宜立班定
前導太常卿太常博士禮直官立于御幄之前俟皇帝
易總麻服訖閤門報班齊禮直官太常博士引太常卿
當御幄前俛伏跪奏稱太常卿臣某言請皇帝詣徽宗
皇帝梓宮前行上香奠醑之禮奏訖伏興退復位簾捲
前導官前導皇帝詣徽宗皇帝梓宮殿下褥位西向立
奏請拜皇帝再拜在位官皆再拜訖前導官前導升詣

寶彝堂

嚴宗皇帝梓宮香案前北向立奏請上香再上香三上香跪內侍進茶酒又奏請奠茶奠酒再奠酒三奠酒俛伏興又奏請舉哭皇帝舉哭在位官皆舉哭俟哭止又奏請拜皇帝再拜在位官皆再拜訖前導官前導皇帝詣殿下褥位西向立奏請拜皇帝再拜在位官皆再拜訖前導皇帝歸御幄簾降禮直官太常博士引太常卿當幄前俛伏跪奏稱太常卿臣某言禮畢奏訖伏興復位立前導並陪位官退詣顯肅皇后懿節皇后梓宮殿下立班定俟皇帝歸御幄簾閤門報班齊禮直官太常博士引太常卿當幄前俛伏跪奏稱太常卿臣某言請皇帝詣顯肅皇后懿節皇后梓宮前行上香奠醑之禮奏訖伏興退復位簾捲前導官前導皇帝詣顯肅皇后梓

宮殿下褥位西向立奏請拜皇帝再拜在位官皆再拜訖前導官前導皇帝升詣顯肅皇后梓宮香案前北向立奏請上香再上香三上香跪內侍進茶酒又奏請奠茶奠酒再奠酒三奠酒俛伏興又奏請舉哭皇帝舉哭在位官皆舉哭止又止又奏請拜皇帝再拜在位官皆再拜訖前導官前導皇帝詣懿節皇后梓宮香案前北向立奏請上香再上香三上香內侍進茶酒又奏請奠茶奠酒三奠酒又奏請舉哭皇帝舉哭在位官皆舉哭俟哭止奏請致飲不拜在位官皆再拜訖前導官前導皇帝詣殿下褥位西向立奏請拜皇帝再拜在位官皆再拜訖前導官前導皇帝歸御幄簾降禮直官太常博士引太常卿當幄前俛伏跪奏稱太常卿臣某言禮畢

奏訖伏興復位立前導并陪位官退皇帝就御帳易忌

日之服訖乘輦還內如來儀此止添太傅一員從皇

帝升殿行禮之疾皇太后扶視必躬必親及手足又

與聖廟同呼當時躬之葬之也役者待今三集宮然啟

太與聖廟同呼當時躬之葬之也役者待今三集宮然啟

服其恩慮深遠如龍德宮是日皇太后詣梓宮前燒香

行禮難服先服以太重包輕就服細皇太后梓宮殿奉

至龍各殿各作黃履燹發引前一日共作大會同日

宮合差一官文等並依燹發引前一日共作大會同日

更差官一員崇奉燹發引前一日共作大會同日

觀人等扶攬萬里勤瘁同嘉各隨從與梓宮行入內

有與者特換隨從各目如管有一不願轉資及侍官李

部郎官李徐中顯肅皇太后下侍官白錫懿節皇太后

即官李徐中顯肅皇太后下侍官白錫懿節皇太后

侍官李徐中顯肅皇太后下侍官白錫懿節皇太后

康和元係田安徽宗改賜姓趙自立志國城三起六祇

康和元係田安徽宗改賜姓趙自立志國城三起六祇

康和元係田安徽宗改賜姓趙自立志國城三起六祇

安等四名推恩有差同日格直松茂宮奉安了浙路
 轉運使黃敷書除直徽猷閣以迎獲梓宮奉安了
 往回應縣梓宗皇帝顯廟皇帝后懿節皇后梓宮已赴龍德
 詔迎獲梓宗皇帝顯廟皇帝后懿節皇后梓宮已赴龍德
 宮奉安了畢所有一行官吏等兵士各轉一官人等第一
 等各轉一官人等第一
 磨一第三等恩太常丞吳棫與轉一官棧先差隨禮儀使
 迎奉梓宮回
 至秀州任

按地

紹興十二年六月三日權工部尚書莫將等言禮部太
 常寺狀勘會見迎護徽宗皇帝顯肅皇后并大行皇后
 梓宮將來到行在於龍德宮安奉之後未審依國朝故
 事修奉陵寢唯復依昨紹興元年昭慈聖獻皇后禮例
 修奉橫宮實緣事大體重伏望朝廷詳酌取旨依昨議
 徽宗皇帝神主祔廟例集議施行奉聖旨依將等議曰

中興禮書第二百四十三卷

凶禮八

永祐陵

按地

紹興十二年六月三日權工部尚書莫將等言禮部太常寺狀勘會見迎護徽宗皇帝顯肅皇后并大行皇后梓宮將來到行在於龍德宮安奉之後未審依國朝故事修奉陵寢唯復依昨紹興元年昭慈聖獻皇后禮例修奉橫宮實緣事大體重伏望朝廷詳酌取旨依昨議徽宗皇帝神主祔廟例集議施行奉聖旨依將等議曰將來迎護徽宗皇帝顯肅皇后大行皇后梓宮到行在之後依故事合迎奉赴西京河南府修奉山園陵竊聞

今來朝廷通使見議陵寢地兼太史局稱今歲係是五行墓穀之年不宜大葬今檢詳國朝會要景德元年明德皇后之喪禮官初議合修奉園陵行大葬禮司天監建議今年不通只宜於北偏壬地權橫詔可所有將來修奉陵寢欲望遵依景德故事權行修奉橫宮詔恭依七日權禮部侍郎施珃等言今檢會修奉橫宮禮例合差按行使一員副使一員伏乞朝廷降勅差官詔差萬俟卨充徽宗皇帝顯肅皇后大行皇后橫宮按行使宗唐卿充副使

十四日紹興府申繳到會稽山龍瑞宮道士潘道璋陳獻會稽山龍瑞圖本可以為橫宮詔萬俟卨前去按行俟見得可否續具奏聞

二十三日御史中丞兼侍讀萬俟卨入內侍省副都知宋唐卿言臣等奉勅前去浙東按行橫宮已蒙朝廷降到紹興府龍瑞宮圖臣等見欲起發若至龍瑞宮相視有國音不用者必須別行選擇且如民間亦有善地理之人緣未知朝廷選擇橫宮雖有善地未敢獻陳俟到浙東相視龍瑞宮地如不可用欲乞揭榜曉示州縣許人陳^獻僉有便利可用之地即申朝廷優加勸賞庶幾早得辦事詔依

二十三日萬俟卨奏唐卿言奉勅差充浙東按行橫宮欲置司屬暫泊越上去昭慈聖獻皇后橫宮咫尺臣等欲依頃時臣僚經過陵寢故例前朝謁詔依

七月十一日詔徽宗皇帝顯肅皇后懿節皇后橫宮吉

皇后橫宮吉地今臨安府召人陳獻將來優與酬賞

十五日太常寺言橫宮按行使萬俟卨副使宋唐卿奏
恭奉聖旨前來按行橫宮臣等躬親詣龍瑞宮地頭相
驗得即與國音信利相違不可使用又有獻到泰寧寺
青山園地在昭慈聖獻皇后橫宮之東其地係天柱壽
山低怯與國音有妨臣等別按視到昭慈聖獻皇后橫
宮西北一帶據太史局狀稱契勘南方水鄉地淺不比
西陵土深今相視到昭慈聖獻皇后橫宮西北地段壽
命主山三男子孫之位形勢高大林木鬱茂土色黃潤
一帶王氣秀聚宜于此地卜穴修製橫宮庶幾山岡順
于國音風水便于地理乃為聖宗萬世之利太常寺禮
直官狀稱元降指揮昭慈聖獻皇后橫宮禁地四至各

一百步若于禁地外別立永固陵橫宮籬寨即無妨礙
今來西北百步禁地之外地形低下不可安穴分立神
園欲于北壁偏西五十步之內自南北穴別立永固陵
外籬寨次北偏西安穴隨地宜分立神園各立內外籬
寨臣等今按視到上件地段勒太史局相驗共到狀稱
其地順于國音風水便于地理可以使用太常寺禮直
官狀稱若于昭慈聖獻皇后橫宮西北百步禁地之外
別立永固陵橫宮籬寨緣百步之外地形低下不可安
穴分位仍去本宮妨礙屋宇等今先具合行申請事件
一太史局狀勘會若降指揮許用今來相視到地段
合行分擘神園候奏告了日所有昭慈聖獻皇后橫宮
裏櫺星門外巡檢廨舍并籬寨窠木如妨礙打量索路

欲乞至日本局指引除去 一太常寺禮直官狀勘會

將來安穴分定立神園其礙打量索路去處合擇日差

官奏告昭慈聖獻皇后橫宮應時下手去拆 一合用

御封降真香一合祝文一首述以爲分立永國後橫宮

皇后神穴神園除去妨礙降付所差降香人一就齋降

付昭慈聖獻皇后橫宮司 一合差奏告官一員太祝

一員乞從橫宮按行使司就差本司幹辦官并屬官文

臣充並前一日致齋 一合用奏告日時乞令橫宮按

行使司剋擇官候香祝到日選定行下所屬排辦 一

合用供養牙盤食茶酒果蠟燭蠅草等乞下紹興府排

辦詔依

二十七日永固陵橫宮復按使鄭億年副使李珪言臣

等恭依聖旨前去紹興府復按永固陵橫宮地步合要
按行使副萬俟卨等已經進呈圖本照使詔依
八月十二日永固陵橫宮按行使萬俟卨副使宋唐卿
言按行到永固陵橫宮地段內奉三神園有低下去處據
太史局太常寺狀契勘昨按行到昭慈聖獻皇后橫宮
西地段可以充永固陵橫宮已選擇到氣聚吉穴於陰
陽經書國音便利別無妨礙其第一穴神園至昭慈聖
獻皇后橫宮籬寨相去二十五步第二第三穴神園各
相去五步已申朝廷令太常寺看詳到上件地步許行
使用兼元奏圖本內已行稱說神穴三園所用地步濶
遠地勢高下不等如將來修奉橫宮合臨時量度地形
淺深依法隨宜開峽及有低下去處依陵寢故例及經

法亦合隨宜補治依已降指揮約度標劄了當其三穴
內有地形低下去處若趙那近上就高阜處標穴乞下
按行使司于已按行到地內從上選擇氣聚吉穴趙那
標劄別無妨礙奉聖旨俟高等依前項指揮將帶太史
局等一行官屬起發前去紹興府于已按到地內從上
選擇吉穴趙那標劄訖詔依

二十八日永固陵橫宮復按使鄭億年副使宋唐卿言
恭依詔旨前去紹興府趙那標劄永固陵橫宮神穴神
園地段億年等將帶按行復按司太史局太常寺官吏
等詣頭相視打量步數遠近今相視得第一神穴趙那
近南一十五步近東七步半其神園依舊作自方三十
五步第二神穴依經貫行趙那近南三十五步其神園

自方亦作二十五步通趙那近南計三十五步並係氣
聚吉地安立神穴神園及不與昭慈聖獻皇后橫宮貫
袂依得陰陽經書與國音及典禮並無妨礙億年等已
趙那標劄訖詔依標劄定

九月五日攢宮按行副使宋唐卿言修奉橫宮神園係
與復按使鄭億年同去那融所有將來按行瑩域亦乞
同鄭億年前去詔依

中興禮書第二百四十四卷

凶禮九

永祐陵

修奉橫宮

紹興九年正月十七日禮部太常寺言檢會國朝山園陵故事升遐後修製皇堂命宰臣上陵名昨聞徽宗聖文仁德顯孝皇帝顯肅皇后升遐即與國朝故事不同故未建陵名今已將及大祥雖未置皇堂若不先建陵名則春秋二仲有妨薦獻行事乞詳酌不候修製皇堂先次取旨命宰臣上陵名自大祥後仲春之月為始每遇薦獻及非泛奏告諸陵添設徽宗聖文仁德顯孝皇帝顯肅皇后位以稱欽崇之意詔依

二月九日宰執奏檜奏准勅差臣上徽宗皇帝陵名臣
伏以荆鼎告成永絕持髻之望漢陵尚儉猶勤治霸之
圖茲揭令名是伸孝志恭惟徽宗皇帝道該衆妙心同
太虛視富貴如糝糠等死生為晝夜越之南燕之北惟
推而後行澗水東瀝水西將歸于其室岡重嶺複近列
聖以相依地久天長彌萬年其不朽徽宗皇帝陵名伏
請為永固陵詔恭依十三年二月戶部尚書張洙等奉
詔議定永祐陵為名詳具于後
五月六日宗正少卿三京淮北宣諭方庭實言比緣使
事至西洛因得瞻觀祖宗陵寢竊見宣祖皇帝永安陵
太祖皇帝永昌陵孝明孝惠孝章皇后陵制度極為簡
古臣以此知太祖太宗皇帝親歷民間疾苦念創業之
艱難奉先之孝所當自竭而愛惜民力猶務儉約是以

深仁厚澤被于四海使斯民至今不忘宋德欲將來繼
宗皇帝顯肅皇后山陵只乞依永安永昌并孝明孝惠
孝章皇后諸陵制度並從簡儉詔依

二十三日兵部侍郎張燾言伏見宣諭官方庭實有請
乞將來先帝山陵一依永安陵等制度臣願明詔有司
異時永固陵凡金玉珍寶盡斥不用播告天下咸使知
聞如是自然可保無虞與天亡極惟陛下精思遠慮斷
而行之上嘉納之宋會要給興九年六月七日事
上曰山陵事務從簡約金玉之物斷不以一毫置其中
前世厚葬之害可以為鑒臣等曰此非陛下傳覽今
十一月十五日立詔吏部侍郎周綱等所及使足為
刻之先是梁邦考既被差充山園使按行使邦考言
記效例山園陵按行使差近上臣條充內侍為到事
典祀付委至重詔令禮部即太常寺討論在是太常寺
太祖廟昭憲皇后園陵命樞密副使趙善為按行使內

客省使王贊副之神宗朝燕聖元獻皇后山陵命龍圖直學士韓絳為按行使入內副都知王中正副之參用文臣于休為重所有按行使欽差侍從或前執政故有是命

十二年六月二十一日權禮部侍郎施珃等劄子勘會國朝祖宗陵寢各以陵名為稱昨昭慈聖獻皇后攢宮行移並以昭慈聖獻皇后攢宮司為稱所有將來修奉徽宗皇帝顯肅皇后大行皇后攢宮慮恐難以兼稱三梓宮謚號恭親先降指揮命宰臣撰陵名曰永固依禮制顯肅皇后大行皇后係合祔徽宗皇帝陵雖未建陵寢所有攢宮行移稱呼欲乞以永固陵攢宮司為稱詔依

八月二日攢宮修奉都護楊存中等言國朝山園陵神臺神園雖各有制度緣昨來昭慈聖獻皇后攢宮係隨

宜修奉今來永固陵攢宮除神園陵籬寨遠近步數依
按行使司所標劄遠近步數外其修奉欲乞並依昭慈
聖獻皇后攢宮制度詔依

二十六日禮部太常寺言今先次參酌討論到徽宗皇
帝顯肅皇后懿節皇后攢宮合行典禮修置攢宮下手
日依故事合行祭土其行禮官亦係按行使行禮乞依
故事施行詔依

二十七日禮部太常寺言永固陵攢宮修奉都護楊存
中等劄子與勘見修奉永固陵攢宮所有將來下手興
工緣俯近昭慈聖獻皇后攢宮竊慮於典禮合行奏告
乞指揮討論施行劄付禮部同太常寺討論申尚書省
今討論其興工下手日合行奏告昭慈聖獻皇后攢宮

今具合行事件下項 一奏告合用御封降真香一合

祝文一首

是以為修奉永固陵攢宮與工下手備近奏告之意

降付入內內侍省

差人一就齋降前去昭慈聖獻皇后攢宮 一奏告合

用牙盤食茶酒果等并合差太祝一員並乞令紹興府

依自來奏告禮例排辦所有奏告官乞就差修奉使司

都壕寨官一員於祭土破地日五更奏告行禮詔依

同日詔永固陵攢宮祭土按行副使宋唐卿見主管殿

攢職事相妨令本司差屬官前去同日權禮部侍郎施

垌等言今來修奉攢宮祭土破土合用日時據太史局

選到宜用九月三日壬辰吉時宜用其日異時吉詔依

同日禮部太常寺言永固陵攢宮修奉使司狀權禮部

侍郎施垌等劄子檢會國朝諸陵禮例內上宮崇奉神

臺下宮崇奉帝后御容及就陵寢側近修蓋佛寺契勘
昨昭慈聖獻皇后攢宮係將側近化成寺改賜作泰寧
寺及令修奉所就泰寧寺內擬截充下宮崇奉御容所
有今來修奉永固陵攢宮修蓋佛寺欲依永裕永泰陵
就用寧神院禮例將永固陵佛寺就用泰寧寺其崇奉
徽宗皇帝顯肅皇后懿節皇后御容下宮令修奉所預
先相度體做見今修蓋到龍德宮間例修奉施行兼契
勘永固陵攢宮都監廨舍并吏舍亦乞一就指揮令比
做見今昭慈聖獻皇后攢宮廨舍吏舍未審相去上宮
遠近及於是何方位去處修蓋伏乞朝廷指揮降下送
禮部同太常寺討論申尚書省今討論修奉下宮并都
監廨舍吏舍依禮例合於上宮之後隨地修蓋所有方

位乞令修奉所尅擇官指引利方詔依

九月一日詔永固陵攢宮合差官吏等並依昭慈聖獻
皇后攢宮已得指揮外可更差香火官一員崇奉其請
給等比附施行

十月十九日太常寺言永固陵攢宮修奉使司狀永固
陵攢宮已降指揮百步內不得採斫窠木動土取塹之
類如有違犯之人令巡檢收捕送越州依法施行竊緣
百步內並無禁止界欲乞令修奉所修置封堠所貴有
以誠約免致小人誤犯後批送禮部勘當中尚書省尋
下太常寺勘會永固陵攢宮所置封堠合依昭慈聖獻
皇后攢宮已得指揮奉聖旨依本司尋差委二宅天文
官幹辦官都壕寨官等於永固陵攢宮四至百步內檢

視得有第三宮正東籬園外百步內有百姓莊一等三家住屋後有墓二箇又屋東有小池子一箇東南角牆外七步有小墓子一箇東地角牆外五步有小墓子一箇西北角牆外七步有小墓子三箇送太史局同共太常寺討論中尚書省本寺據太史局看詳永固陵攢宮禁地封堠等並依昭慈聖獻皇后攢宮已得指揮今檢照得昨昭慈聖獻皇后攢宮禁地百步內有墳四所及居民四家並係鄉村看山園莊屋小民所居當時止令向外開門出入今後不得動土塤鑿修蓋舍屋及安殯墳墓即不曾改遷所有今來莊一等家舍屋并墳墓合依昭慈聖憲皇后攢宮已得指揮施行更不改遷止令今後不得動土塤鑿修蓋舍屋及安殯墳墓本寺今欲

帝	十	乞	賜	遂	熱	逐	三	欲	十	十	內	直	合	等	并	百	充	七	人	一	事
橫	三	將	將	良	帝	良	角	依	一	一	元	上	始	九	禁	文	昭	戶	月	務	
宮	年	所	仕	潛	皇	潛	一	數	百	百	有	各	演	名	地	足	三	山	二	令	
已	二	賦	郎	果	后	界	十	支	七	二	藩	增	直	地	裁	今	一	地	十	兩	
了	月	地	以	吳	神	果	三	還	十	十	楊	兩	針	其	其	來	一	共	五	浙	
畢	七	不	忠	潛	國	潛	步	其	五	二	林	培	依	充	餘	將	十	計	日	轉	
後	日	願	恕	昇	諸	吳	每	先	株	貫	木	每	昨	然	一	上	三	二	知	運	
省	權	添	故	各	價	是	欲	用	估	一	大	欲	來	即	百	件	步	百	結	司	
官	戶	支	父	與	我	地	價	過	直	百	小	計	買	皇	十	地	昨	一	與	比	
看	部	債	宗	補	令	段	直	已	錢	文	一	作	過	后	一	改	佳	十	府	類	
詳	尚	錢	顏	州	給	並	亦	買	七	足	千	一	昭	神	一	充	人	九	條	具	
陵	書	利	傑	助	興	依	乞	吳	百	滑	五	十	慈	團	安	徽	先	戶	款	具	
名	張	故	勅	教	府	充	依	吳	二	果	百	賞	聖	安	一	宗	文	潛	五	中	
奉	澄	父	校	韓	先	繼	此	韓	貫	地	七	五	獻	奉	角	皇	還	吳	十	尚	
聖	等	名	楊	志	宗	給	添	俊	四	內	十	百	皇	神	四	帝	債	韓	七	書	
旨	言	日	州	恕	支	帝	給	良	百	有	八	文	后	御	十	額	錢	俊	步	省	
令	勘	故	助	父	給	帝	內	地	七	大	株	足	覆	下	四	商	每	良	除	取	
侍	會	也	教	宗	韓	顯	韓	五	十	小	估	及	宮	宮	步	皇	每	韓	數	撥	
從	徽			顏	俊	肅	俊	七	五	林	直	界	界	地	其	后	三	遂	內	宮	
官	宗			與	韓	后	韓	七	文	木	錢	一	地	其	界	神	貢	民	五	施	
	皇							足	一				價			園	五	十	十	行	

同共擬定聞奏今准連到後省劄子所供有永祐二字
不犯歷代陵名委是可用詔恭依

十五日禮部太常寺言勘會已擬定陵名合選日奏告
攢官今具合行事件 一奏告日辰據太史局申宜用

二月二十八日丙戌吉 一合用表文二通奏告徽宗

皇帝顯肅皇后

並述以擬定永祐奏告之意

御封降直香二合並差

人齋付攢官司 一合差獻官一員以紹興府見外任

官宗室充太祝一員文臣有出身人充並前一日致齋

及排辦供養喫食茶湯酒果等令攢官司報紹興府依

自來奏告例差官排辦 一今來已擬永定祐陵其行

移稱呼合候二月二十八日奏告畢稱永祐陵攢官司

乞令進奏院通牒施行詔依

啟攢

紹興十二年九月十二日禮部太常寺言將來梓宮已選定用九月二十六日啟攢所有時前奏告合行事件今具下項 一啟攢時前奏告并啟攢日合用御封降真香六合祝文三首

並述以啟攢時前奏告之意

一時前奏告行

禮官欲乞降初差永固陵攢宮總護使行禮 一合差

讀祝文官三員欲乞輪差本寺官充 一奏告行禮官

并讀祝文官並前一日致齋將來啟攢時係用丑時八

刻其奏告係時前行禮令臨安府於行宮南門外踏逐

寺院致齋 一依故事啟攢日不視事羣臣奉慰是日

車駕詣梓宮前行啟攢燒香之禮今欲依故事施行仍

用應服緦麻服文武官至日並常服黑帶詣龍德宮幕

次易總麻服陪位立班訖次易常服吉帶詣常御殿門外進名奉慰次進名慰皇太后仍乞百司作休務假一日一陪位官立班去處緣龍德宮地步隘窄欲乞隨趙那立班竊慮至時雨降濕潤欲乞令御史臺閣門前期相度申請施行詔依

十七日權禮部侍郎施垌等言九月二十六日啟攢至日俟啟攢訖請皇帝詣龍德宮行啟攢燒香之禮文武官陪位立班緣同日又係是顯恭皇后忌辰文武百僚又赴順承殿立班行香欲乞是日應服總麻服文武官陪位立班訖次服常服詣常御殿門外奉慰畢次赴順承殿立班行香詔依

啟攢儀

其日自內皇帝服忌日之服乘輦出內詣龍德宮殿門外降輦歸御幄簾降文武官並就次日總麻服訖御史臺太常寺閣門分引陪位文武官隨地之宜立班定前導太常卿太常博士禮直官立於御幄之前俟皇帝易總麻服訖閣門報班齊禮直官太常博士引太常卿當幄前俛伏跪奏稱太常卿臣某言請皇帝詣徽宗皇帝梓宮前行啟攢燒香之禮奏訖伏興退復位簾捲前導官前導皇帝詣徽宗皇帝梓宮殿下褥位西向立奏請拜皇帝再拜在位官皆再拜訖前導官前導皇帝升詣徽宗皇帝梓宮香案前北向立次禮直官引太傅升殿後從奏請上香再上香三上香跪內侍進茶酒又奏請奠茶奠酒再奠酒三奠酒俛伏興又奏請舉哭皇帝舉

哭在位官皆舉哭俟哭止又奏請拜皇帝再拜在位官
皆再拜訖前導官前導皇帝詣殿下褥位西向立禮直
官引太傅降階復位立奏請拜皇帝再拜在位官皆再
拜訖前導官前導皇帝歸御帳簾降禮直官太常博士
引太常卿當幄前俛伏跪奏稱太常卿臣某言禮畢奏
訖伏興復位立前導并陪位官退詣顯肅皇后懿節皇
后梓宮殿下立班定俟皇帝歸御帳簾降閤門報班齊
禮直官太常博士引太常卿當幄前俛伏跪奏稱太常
卿臣某言請皇帝詣顯肅皇后懿節皇后梓宮前行啟
積燒香之禮奏訖伏興復位簾捲前導官前導皇帝
詣顯肅皇帝梓宮殿下褥位西向立奏請拜皇帝再拜
在位官皆再拜訖前導官前導皇帝升詣顯肅皇后梓

宮香案前北向立次禮直官引太傅升殿後從奏請上香再上香三上香跪內侍進茶酒又奏請奠酒三奠酒俛伏興又奏請舉哭皇帝舉哭在位官皆舉哭俟哭止又奏請拜皇帝再拜在位官皆再拜訖前導官前導皇帝詣懿節皇后梓宮香案前北向立奏請上香再上香三上香內侍進茶酒又奏請奠茶奠酒再奠酒三奠酒又奏請舉哭皇帝舉哭在位官皆舉哭俟哭止奏請欽飲不拜在位官皆再拜訖前導官前導皇帝詣殿下褥位西向立禮直官引太傅降階復位立奏請拜皇帝再拜在位官皆再拜訖前導官前導皇帝歸御幄簾降禮直官太常博士引太常卿當幄前俛伏跪奏稱太常卿臣某言禮畢奏訖伏興復位立前導并陪位官退皇帝

就御帳易忌日之服訖乘輦還內如來儀